



# Cov niam txiv muaj cuab kav npaj mus koom cov rooj sib tham hais txog kev kawm ntawv tshwj xeeb

(Parents Can Prepare for Special Education Meetings—Hmong version)

Yog tias koj yog ib tug niam txiv ntawm ib tug me nyuam muaj qhov tsis taus, cov tswv yim hais mus no muaj cuab kav pab koj npaj mus koom tau cov rooj sib tham hais txog kev kawm ntawv tshwj xeeb.

- 1) Nco ntsoov tias cov kev txiav txim siab nyob hauv kev kawm ntawv tshwj xeeb yog los ntawm cov ntaub ntawv, tsis yog los ntawm qhov ib tug xam pom. Cov ntaub ntawv khaws cia hauv tsev kawm ntawv—nrog rau koj tus me nyuam daim ntawv qhia qhov ntsuam xyuas tau hauv peb xyoos twg, tsab ntawv teev kev kawm ntawv tus kheej tab tom siv, cov ntawv qhia kev cob qhia txhaum cai, cov ntawv sau qhia qhov kawm tau ntawv—muab tau cov lus tseem ceeb coj los siv ua cov kev txiav txim siab rau koj tus me nyuam. Xyuas kom meej tias koj muaj cov qauv ntawm cov ntawv no. Yam tsawg kawg mas, koj yuav tau saib tsab ntawv IEP thiab cov ntawv qhia qhov ntsuam xyuas tau ua ntej lub rooj sib tham npaj koj tus me nyuam txoj kev kawm txhua xyoo.
- 2) Ua tib zoo saib daim ntawv ceeb toom lub rooj sib tham. Tsev kawm ntawv tau caw leej twg tuaj thiab? Lub hom phiaj ntawm lub rooj sib tham no yog hais txog dab tsi? Koj tus me nyuam puas yuav los koom tag nrho los yog ib pliag ntawm lub rooj sib tham no? Koj tus me nyuam puas xav tau kev npaj mus koom zaum no?
- 3) Teev qhov tseem ceeb tshaj plaws rau koj thiab qhov koj txhawj txog rau hauv ntawv ua ntej lub rooj sib tham. Tej zaum koj yuav muab tau qhov teev tau no qhia rau tus kws txuj tuav koj tus me nyuam txoj kev kawm thiab hais kom nws muab qhov koj teev tau los nrog qhov txeej xwm yuav muab coj los tham.
- 4) Yog tias koj npaj tham ib qho teeb meem nyob hauv lub rooj npaj kev kawm ntawv tus kheej, txheeb xyuas qhov teeb meem ntawd kom meej hauv nruab siab tso. Yeej meem npaj cov tswv yim hais qhov yuav tau thiab tseem yuav tau ua tib zoo mloog lwm tus qhov tswv yim thiab. Zam txoj kev sib chim thiab tsuas hais txog cov hauv kev los daws qhov teeb meem ntawd xwb.
- 5) Qhov kawg, nco ntsoov tias txoj kev lis hauv lwm ua ke yeej tsim tau qhov tshwm sim zoo rau cov me nyuam. Koj yog tus paub txog koj tus me nyuam, thiab tsev kawm ntawv muaj laj lim tswv yim hauv txoj kev kawm. Qhov koom ua ke, nej muaj cuab kav pab koj tus me nyuam kawm tau ntawv nyob hauv tsev kawm ntawv.